



ज्वजलपा वाःपौ

JWOJALAPA WEEKLY

देँ ७ ल्याः १ (पूर्णडक १०३) ने. सं. ११३६ दिल्लाथ्व त्रयोदशी आइतवाः २०७३ साउन २ गते आइतवार (Jul- 17, 2016)

मू द- पृष्ठ ६

न्हूगु सरकारया सवाल्य् छु दु संविधानय् ?



ज्वजलपा वा:पौ /

केपी शर्मा ओलीया नेतृत्वप्रति व्यवस्थापिका संसदय् अविश्वासया प्रस्ताव दर्ता जुइ धुनेवं नेपाःया न्हूगु संविधानय् संक्रमणकालीन अवस्थाय् सरकार हिलेगु प्रावधान हे मदु धकाः संचार माध्यमय् समाचार पिहां वयाच्वंगु नापं सामाजिक संजाल फेसबुकय् तर्क यक्व हे मन्तव्यसं तयेगु नापं चर्चा यायेगु

याना वयाच्वंगु दु । उकिं आः धातथें केपी शर्मा ओलीया सरकारयात हे निरन्तरता विइगु बाहेक मेगु विकल्प मदु धकाः धाइपिं नं मदुगु मखु । तर नेपाःया जारी जूगु संविधान कथं हे न्हूगु सरकार गठन यायेगु प्रावधान दु धकाः कानुनविद्वत्सं धयाहये धुनेवं केपी ओलीया पक्षय् सः तयाच्वपिं नापं दावी यानाच्वपिन्त समस्या जूगु दु ।

न्हूगु संविधान कथं हे न्हूगु सरकार गठन यायेफइगु कानुनविद्वत्सं दावी

उकिं नेपाःया जारी जूगु संविधानय् धातथें न्हूगु सरकार या बारे छु दु धइगु विषय सकलसिगु चासोया विषय जुयाच्वंगु दु ।

जारी जूगु संविधानया संक्रमणकालया धारा २९८ थौं कन्हय् चर्चाया विषय जुयाच्वंगु दु । थ्व हे धारायात वाहेक मेगु विकल्प मदु धकाः धाइपिं नं मदुगु मखु । तर नेपाःया जारी जूगु संविधान कथं हे न्हूगु सरकार गठन यायेगु प्रावधान दु धकाः कानुनविद्वत्सं धयाहये धुनेवं केपी ओलीया पक्षय् सः तयाच्वपिं नापं दावी यानाच्वपिन्त समस्या जूगु दु ।

सुनां सरकार परिवर्तन जुइ फइमखु धयाच्वन इमिसं नियन्त्रण, सन्तुलन व शक्ति पृथक्कीकरणया अःखः न्ववनाच्वनादीगु दु । नियन्त्रण, सन्तुलन व शक्ति पृथक्कीकरणया सिद्धान्त लोकतन्त्रया निगू महत्वपूर्णगु सिद्धान्त खः धकाः संविधानविद्वत्सं धयाच्वंगु दु । यदि सरकार परिवर्तन जुइ फइमखु धयगु खःसा थुनियात नेपाःया संविधान असफल धायेत बाध्य याना विइ धकाः तर्क धायेगु यानाहःगु दु ।

जारी जूगु संविधानया भाग ३३ या संक्रमणकालीन प्रावधान अन्तर्गत धारा २९८ सं मन्त्रिपरि

पदया गठन सम्बन्धी व्यवस्था यानातःगु दु । थ्व हे धाराया उपधारा २ व ३ पाखें प्रधानमन्त्रीया निर्वाचन सम्बन्धय् स्पष्ट व्यवस्था यानातःगु दु । धारा २९८ (२) या भाषा अप्पष्टता दु तर न्हूगु सरकार दयेकेगु धइगु धारा ३९८ (३) कथं गुगु धाराया भाषाय् छु नं कथंया अस्पष्टता जुयाच्वंगु मदु ।

उपधारा ३ य् दुगु कथं सहमति कायम जुइ मफुगु अवस्थाय् व्यवस्थापिका संसदया तत्काल कायम दुगु फुकक सदस्य संख्याया बहुमतया आधार य् हे प्रधानमन्त्री निर्वाचन जुइ

धकाः च्वयातःगु दु । थुगु हे खँयात कया व्यवस्थापिका संसदया नियमावलीया भाग ९ सं स्पष्ट जूगु दु । नियम ४९ पाखें प्रधानमन्त्रीया निर्वाचनया सम्बन्धय् स्पष्ट व्यवस्था यानातःगु दु ।

४९ प्रधानमन्त्रि निर्वाचन (१) संविधानया धारा ३९८ या उपधारा २ कथं प्रधानमन्त्रीया निर्वाचन राजनीतिक सहमतिपाखें जुइ ।

२ उपनियम १ कथं सहमति कायम मजगु अवस्थाय् प्रधानमन्त्रीया निर्वाचन सभामुखपाखें क्वःछिउगु दिनय् व इलय् जुइगु व उकिया सूचना महासचिव वा सचिव प्रकाशित याइ धकाः उल्लेख यानातःगु दु ।

छगू हे दबुलिइ स्वंगू सफू पितब्वज्या नापं पत्रकारिता सिरपा लःल्हायेगु

ब्वना पौ



किपुलिं पिदनाच्वंगु छगू जक नेपालभाषाया वा:पौ

ज्वजलपा वा:पौ

खुदं फुना न्हय्दंय् क्यंगु

पत्रकार श्रीकृष्ण महर्जनया न्यागूगु सफू

(नवचू, उद्घोषण व एफ एम संचालन कला)

नापं निक्वःगु ज्ञान पत्रकारिता सिरपाः लःल्हायेगु ज्या

कीर्तिपुर सन्देश
साप्ताहिक

न्यादं फुना खुदंय् क्यंगु



नजरराम महर्जनया

भिंछगूगु

उपन्यास

'थ्वयाच्वंगु सः'

नाति महर्जनया

ई ब्यःया चिनाखं

ज्याभूवः

दिं ने.सं. ११३६

दिल्लागा चौथि

शनिवाः

(श्रावण ८ गते)

थाय्: मंगल

उच्च मावि,

न्हूवजाः किपू

ई: न्हिनसिया

१२:०० ता इलय्

ब्वति कयादीत

सकलसित

इनाप यानाच्वना ।



ज्वजलपा वाऽपौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : kirtipur_sandesh@live.com

सम्पादकिय



आन्दोलन यानावयाच्चपिं मधेसी व जनजातित उत्साहित

केपी शर्मा ओलीया नेतृत्वया सरकारप्रति अविश्वासया प्रस्ताव संसदय् दर्ता जुइ धुनेवं हे जारी जूगु संविधानय् थःपनिगु अधिकार मदु धका: स: तया आन्दोलन याना वयाच्चपिं आदिवासी जनजाति, मधेसी नापं उत्पीडित समुदाय उत्साहित जूगु खने दु ।

प्रधानमन्त्री केपी शर्मा ओलीं नेपा:या आदिवासी जनजाति, मधेसीनिसें उत्पीडित समुदायया मागयात सम्बोधन मयायेगु नियत ज्वना आन्दोलन कारीयात विभाजन यायेगु अले वार्ता तक सार्थक कथं मयासे भ्रम ब्वलंकेगु ज्या यानाच्चन धका: थुइकाच्चंगु ख:सा थ्व हे दथुइ ओली सरकारया विकल्पय् मेगु सरकार वइगु अवस्था खनेवं हे मधेसी व जनजातित उत्साहित जूगु ख: । प्रधानमन्त्री केपी शर्मा ओलीं तराई लागाय् मधेसीत गोलीं कया सिनाच्चंगु अवस्थाय् अंमाय् छग: निग: अं कुतुं वयेवं छु जुइमखु धका: सार्वजनिक रुपं न्वंवानादीगु अले आदिवासी जनजाति मधेसीया माग छु ख: धका: थ:महं मस्यु धका: सार्वजनिक रुपं अभिव्यक्ति बिइगु यानादीगुलिं मधेसी व जनजातिया आन्दोलनकारीत वय्क: खना तं चायाच्चंगु ख: ।

उकिं हे जुइ आन्दोलन याना वयाच्चंगु संघीय गठबन्धनय् दुथ्या:गु दलया सांसदतय्सं तक आ: ओली सरकारयात क्व:थलेगु नितिं अविश्वासया प्रस्तावय् मतदान यायेगु तर थ:पनिगु माग गबले तक पुरा जुइमखु अबले तक सरकारय् वनेगु जुइमखु धयाच्चंगु दु । थुकिं स्पष्ट जू कि आन्दोलन याना वयाच्चंगु मधेसीनिसें आदिवासी जनजातित केपी शर्मा ओलीया सरकार क्व:दली धका: उत्साहित जुयाच्चंगु दु ।

साहित्य/हाईकु

बुद्ध जिगु मिखाय्

ज्ञानबहादुर महर्जन नेवा:

किपू

९. त्याग तपस्या
ध्यान भाव सकतां
लाये फयेके ॥

१०. थ्वहे भुमि ख:
गौतम बुद्ध बूगु दे
कर्किया च्यूता ॥

११. समता भाव
म्वाय्गु छप् लंपु हें
थुइकि मनु ॥

१२. गुजुहुँ मिनी
मिखा तिसिना स्वये
थी थी तर्कना ॥

नेवा: दबू छैंया बारे सामाजिक संजाल फेस बुकय् खनेदुगु नेवा:तय्गु चासोया नमुना

Dipak Tuladhar

July 12 at 11:27am

नेवा: दबू छैं

न्हापा पञ्चायतया थाकगु इलय् हे सरकारयात हाथ्या बिइफुगु नेवा: तयेगु सशक्त संस्था “नेपालभाषा मंका: खल:”या जग्गाय् राष्ट्रिय स्तरया संस्था “नेवा: देय् दबू”या धेवां दबू छैं दयेकीगु धयागु खँ छु दँ न्त्य: न्यनागु ख: । थ्व खँ आ: गन थ्यना च्वन मस्यु ।

३५दँ न्त्य: निसें नेपालभाषा मंका: खल:या पहलय् दँय्दसँ योमरिपुन्हि कुन्हु कलाकार लगायतया पुचलं दबू छैं दयेकेत सतकय् मे हाला योमरि फ्वनेकथं दां म्हया: लखौं तका दां मुंके फुगु नं ख: । अथे हे नेवा: दबूछैं...

(थुगु कथं फेस बुकय् दिपक तुलाधरजुं तयादी धुनेवं हे नेवा:तय्सं यक्व हे सरोकार क्याना थ:थ:गु बिचा: प्वंकेगु यानाच्चंगु दु । उकिं नेवा:तय्गु सरोकारया रुपय् थुगु खँ न्हयब्वयाच्चना । सं.)

Anar Shresthacharya आस याये, आसाकुति पहलं !

Gyani R. Manandhar य: मढी पुन्ही कुन्हु म्ये हाला: चन्दा फ्व वनेगु ज्याभव्य:या निति जन कवि दुर्गालाल जुं म्ये च्वया दिगु रिहर्सल यायेत शान्ति शिक्षा मन्दिर स्कुले बा:छिं तक वनागु न लुमति वल ! म्ये हाला: फ्व वनागु न लुमन्ती वल (दकले न्हापा या दं) ! उबले नेवा: दबू दयेकेत जग्गा ज्याथाया व्यायाम मन्दिरय् ख: ! लिपा छु पायेछी मजुया ख: , जग्गा ला मेपिनी ल्हा:ती ला वन ! आ ला वो थाय गथे जुइ धुकल धैगु न्ह्यथना च्वने म्वा: जुइ ! दाजु किजा तता पीं केहें काकी कका पीं

भीत स्वया भीगु भाषा ख्वया च्वंगु दु.....

.....(ल्व:मन)

त्य: छिं त्य: , बकछिं त्य:

लाटा पाटा कुलिचां जुछिं त्य:

व्युम्ह ल्यासे , मव्युम्ह वुढी कुटी

Roshan Manandhar जीत: न व इ सापे लुमं, नींद ती म्ये हाला: फ्वनं वना

Amar Bajracharya छिं च्वया दिइगु नेवा: दबू छैं या च्वसु पायछी ख: । तर नेवा: देय् दबू लगायतया मनु तय् दरिद्र मानसिकता अहंम् दत्तले नेवा: दबू छैं सम्भव मदु ।

Shakya Pragya Ratna Yakna dhane phayema Dhabu chen Maharjan Ratna पायछी खँ ।

Naresh Tamrakar नेवा: देय् दबू दबू छैं दनेत दाँ ७० लख छुटे याय धुन्कु दु याकनं मेगु ३० लख छुटे याना १ करोड मुन्का तगुदु !



Dipak Tuladhar ओह ! थ्व ला बांला:गु हे खँ जुल नि । न्हापा ४०-५० लाख दत धा:गु न्यनागु । सार्वजनिक कथं सुचं बियादीगुलिं सुभाय, नरेश दाई । Suman Shrestha तसकं हे बांला:गु खँ कनादिल सुभाय दु । तर छगू करोड तका दां थौं कन्हयया बेसा:भा:याल्याखं तसकं हे म्स्व धका: नं थ्वीके फयेके ।

Suman Shrestha नेवा: देय् दबू पाखें छैं दनेत ७०-३० लख तका फ्यानातयेधूंकूगु बांला:गु खँ जुला मंकाखलकं थ:गु खँनं सकसितं कनाव्यूसा अतिकं बानलाइ, सकसिनं सीके आयवुयाच्चंगु दु धका: थुयेकेमाला Suman Shrestha अलेमेता खँ छगू करोड तका दां थौं कन्हयया बेसा:भा:या ल्याखं तसकं हे म्स्व धका: नं थ्वीके फयेके ।

Dipak Tuladhar म्हो जूसां मगा:गु दां इच्छुकपिं सकलस्यां तना: (थपे याना:) दबूछैं धस्वाके ज्यू । इच्छा दुसा उपाय यक्को दु, सुमन दाई ।

Maharjan Ratna द्रछी तका अभियान न्ह्याके

Dipak Tuladhar Maharjan Ratna जुया द्रछिं तकाया अभियान धा:गु नं साप बांला: जु ।

Deepak Kumar Joshi yekdam payachhi ju.

Najar Ram Maharjan नेवा: दबू छैं सुया लागि ? नेपालभाषा मंका: खल:ले आजिवन अध्यक्ष व आजिवन महासचिवया निति ख: कि सकल नेवा:तय्गु लागि ? शाह खलकं २४० वर्ष नेपालया गद्दी च्वना: राज या:थें हे यायेमास्ति व:पिं दु थन । अले गनं दयेके फै ? थ: स्वया: सुं थहाँवनीला धका: ग्या:पिं नेवा:तसें छु याना नयेफै

मखु । नेवा: दबू छैं दयेकेत न्हापां मंका: खल:नि दयेके माल ।

Suman Shrestha मंका:खल: मंका: हे ज्वीक ल्यंकेगु कुत: न्ह्याके नु ।

Bishwo N Shrestha थुलि मछिं न्ह्य ? लिस बिईपि सु ?

Kishor Dhusa ग्वायमरु बुरा कोरियाय् थ्यनका मखुला ?

Raja Shakya थ्व खँ थ:थ: नापलाइवलय् न्हयावले गाइगुइ जू तर भिसं थकालिपिन्त हनावना तयेकथं धायेमफुगु धायेला, नुगले स्याकिला धका: ग्यागु धाये थ्व खँ ल्हाये फैच्वंगु मदु । जित स्वयेवलय् दबू छैंया जग्गाया हुनि मंका खल: तकनं न्हूधा: जुइमफुत थें च्वं । मंका खल: न्हूधा: जुलकि मंका खलकय् नेतृत्व काइपि हानं सु सु वइ, व्यक्तिगत स्वार्थया नितिं जक मौका कायेत वइपिं नं दयेफु अथवा स्याकिपिहे नं वइला धका: ग्यानां जकं न्हूधा: मयाना च्वंगुला ? खनं ख: थौं कन्हय मनु तयेत बिश्वास यायेनं थाकु भिसं खना हे च्वनागु दु । अय् जूगुलि जित स्वयेवलय् मंका ट्रष्ट दयेका: दबु छैं दयेकेनु, दबू छैं संचालन यायेत मंका खल: न्हूधा: यात धा:सा मंका खल:कनं न्हुनूपि नेतृत्व विकास जुयावनी । दबू छैं गुठिया दुज:पिहे ट्रष्टया दुज: या:सां ज्यू ?

मखुसा दबू छैं जक दयेकेतजूसा कुत: यायेमास्ते मवयेफु । अथवा भी हनेवह:पि नेवा: न्ह्यलुवापि मुना: ट्रष्ट दयेकेगु ख:ला ? दबू छैं दयेकेगु ख:सा मौका आ:हे ख:थे च्वं । मका: खल: न्हूधा: जुइ मफुगुलि भी नेवा: गति विधि सुन्यहे जुयाबिल । मंकाखल: या सक्रिय पासापिं थौं निस्किय जुयाच्चंगु खना नुग: मछिंसे च्वं । थौं पञ्च दाइ, मल्ल दाइ व दुर्गालाल दाइ धुंका नेवा: नेतृत्व विकासया लुखा: हे प्वा:त्युगु दु । ल्यंदुगु मेगु ल्याखय्

किपू नगरपालिका खुला दिशामुक्त, पूर्ण साक्षर व पूर्ण खोपयुक्त नगरपालिका घोषणा



ज्वजलपा वा:पौ /

किपू नगरपालिकायात छकलं खुला दिसामुक्त, पूर्ण खोपयुक्त व पूर्ण साक्षर नगरपालिका धका: शुक्रवा: घोषणा या:गु दु । किपूया थीथी मिसा पुच: संघ संस्था अले वडा नागरिक मञ्च, नगरवासीपिं त:ग:पिं मुनां न्याली पिकया नगामय् च्वंगु बाघभैरव वैक्वेटय् समारोहलय् परिणत जूगु ख: ।

मूपाहां सभासद राजेन्द्र कुमार के.सीं. गमलाय् पिनात:गु स्वांमाय् ल: लुना: व ब्यानर चायेका: उलेज्या यानादीगु ख: । किपू लागाय् खुल्ला दिसामुक्त दयेकेगु निंति खानेपानी क्षेत्रीय अनुगमन व

सुपरीवेक्षण कार्यालय नं ग्वाहालि या:गु ख:सा, पूर्ण खोपयुक्त दयेकेत जिल्ला जनस्वास्थ्य कार्यालय नं ग्वाहालि या:गु ख: ।

पूर्ण साक्षर दयेकेत प्यदं न्यादं न्हय:निसें जिल्ला शिक्षा कार्यालयया ग्वाहालिं थातुंथासय् प्रौढ शिक्षा कक्षा संचालन याना वयाच्वंगु ख: । उगु ज्याभवलय् सांसद राजेन्द्र कुमार के.सीं अन उपस्थितजूपिं किपूमितय्त सामुहिक रुपं प्रतिबद्धता व्यक्त याका घोषणा या:गु ख: ।

ज्याभवलय् सांसद राजेन्द्र केसी थ्व विषयय् कीर्तिपुरवासीयात प्रतिबद्धता व्यक्त याकुसें घोषणा यानादीगु ख: । येँ प्रमुख जिल्ला

अधिकारी रामकृष्ण सुवेदी, स्थानीय विकास मन्त्रालयया सहसचिव जीवनकुमार श्रेष्ठ, नगरपालिकाया कार्यकारी प्रमुख उद्धवप्रसाद रिजाल, उगु नगरपालिकाया प्रमुख लेखा अधिकृत सानुबाबु परियार, नगरपालिकाया सल्लाहाकार हीराबहादुर महर्जन व उद्धवप्रसाद बास्कोटां थुगु नगरयात स्वगु विषय घोषणा या:गुलिं लसता प्वंकुसें थुगु लाग्ना स्वच्छ, स्वस्थ दयेकेगुलिं नगरवासी थ:गु भूमिका निर्वाह यायेमा:गु खँय् ब:बियादीगु ख: ।

ज्याभवलय् स्थानीय खल: पुच:निसें थीथी व्यक्तित्वपिनिगु सहभागीता दुगु ख: ।

किपूया राजमान व सुशीलां धयादिल: बँ पुपुं हे सिना वनेगु जुइ



किपूया थांबहा: त्वा:या राजमान महर्जन मानव व सुशीला महर्जन आ: ल्यंदगु जीवन हे बँ पुना फुका वनेगु योजना दयेकादीगु दु । वय्क:पिं निम्हेस्यां नेपालमण्डल टेलिभिजनया नेपालमण्डल दबुलिइ अन्तर्वाताया भवलय् थ:पिं बँ पुपुं हे सिना वनेगु सोच कथं न्ह्या: वनाच्वनागु ख: धका: धयादिल । आ:या अवस्थाय् थ:पिनिगु आज्जु धइगु हे संसारय् बँ पुपुं हे वनेगु अले थ:पिनिगु सास: दतले हे बँ पुना हे जुइगु जुइ धका: धयादीगु दु । न्ह्यावले नं तुयुगु लं फिना तुफि ज्वना जुइपिं वय्क:पिनिगु निरन्तरता खना मनूत अजूचा:गु दु ।

नेपा:या थीथी जिल्लाय् जक मखु विदेशय् तक वना थनि न्यादं न्हय:निसें बँ पुना वयाच्वनादीपिं वय्क:पिं निम्हेसिया कुतल आ: वइगु माघ ९ गते भिगू लखमह मनूत सतकय् क्वकया स्वनिग: सफाई यायेगु ग्वसा: ग्वयादीगु दु । उकिया निंति विशेष कथं वय्क:पिं निम्ह सक्रिय जुयादीगु दु । थ्व हे भवलय् छगू सहलह मुँज्या तक याना वइगु माघ ९ गते स्वनिग: छक्कल सफाई यायेगु

माघ ९ गते १० लख मनूत दुथ्याका: स्वनिग: सरसफाई यायेगु घोषणा

जुइ धका: धयादीगु दु । किपू महोत्सवनिसें बँ पुइगुलिइ सक्रिय जुयादीपिं राजमान व सुशीलां यानादीगु ज्या खना मनूत अजू चायाच्वंगु दु ।

वय्क:पिन्सं आ: तक नं थ:पिनिगु निंति जनतातय्सं ग्वाहालि यानाच्वंगु अले जनतां छु बिल व हे नया नेपा:या जिल्ला जिल्लाय् वना बँ पुइगु याना च्वनागु ख: धका: तक धयादिल । आ: तक नकारात्मक रुपं सुना नं का:गु हे मदुनि धयादिसं वय्क:पिन्सं थ:पिन्त गुलि नं सुभावेत जनतापाखें वइ उकियात स्वीकार याना वनागु दु धयादिल ।

‘जिं स्वनिग: फोहर यायेमखु’ लिसें ‘थ:मह मया:सा सुना याइ ?’ नारा ज्वना: विश्व सरसफाई अभियानय् वंगु न्यादं व भिंछला न्हय:निसें सरसफाईस निरन्त पला: न्ह्याकाच्वनादीपिं सरसफाई अभियन्तापिं राजमान मानव व सुशीला महर्जन येँया न्हसतकय् च्वंगु मारवाडी सेवा समितिया हलय् सरसफाई सम्बन्धि छगू त:जिगु ज्याभव: जूगु दु ।

वइगु २०७३ साल माघ ९ गते सुथय् छघौया दुने १० लख मनूतय्त सहभागी याना: स्वनिग: सरसफाई यायेगु वृहत् अभियानया बारे असार २९ गते बुधवा: सहलह व घोषणा ज्याभव: जूगु ख: । उगु सहलह व घोषणा ज्याभवलय् विश्व सरसफाई अभियन्ता र जमान मानव थ: व मेम्ह अभियन्ता सुशीला महर्जन बि.सं. २०६७ साल भाद्र महिनानिसें विश्व सरसफाई यायेगु आज्जु ज्वना: स्वनिग:या थीथी थासय् व नेपा:या थीथी जिल्लाय् थ:पिन्सं सर सफाई यानागु इलय् उगु थाय् व जिल्ला शहरया सरसफाई स्थिति बारे कनादीगु ख: ।

आ: २०७४ सालनिसें विश्व सरसफाई अभियानय् थ:पिन्सं पला: न्ह्याकेगु व दकले न्हापां बंगलादेशपाखें उकथं विश्व सर सफाई अभियान न्ह्याकेगु खँया नं जानकारी बियादिल । वय्कलं आ: वइगु माघ ९ गते १० लख मनूत दुथ्याका: स्वनिग: सफा

यायेगु ज्या यायेधुंका: नेपा: सफाई यायेगु चरण क्वचाइगु खँ कनादिलसा आ: २०७४ सालनिसें विश्व सरसफाई अभियानय् थ:पिन्सं पला: न्ह्याकेगु व दकले न्हापां बंगलादेशपाखें उकथं विश्व सरसफाई अभियान न्ह्याकेगु खँया नं जानकारी बियादिल । ज्याभवलय् स्वनिग:या फुक्क नगरपालिकाया प्रतिनिधिपिंलिसें प्रधानमन्त्री कार्यालयनिसें स्वास्थ्य मन्त्रालय, वातावरण मन्त्रालय, सरसफाई मन्त्रालय, थीथी आइएनजीओ व एनजीओया प्रतिनिधिपिं सहभागी जुयादीगु ख: ।

अथेहे, ज्याभवलय् थीथी लाग्नाया स्थानीय सफाई न्ह्यलुवा:पिनिगु नं उपस्थित दूगु ख:सा थ्यंमथ्यं न्यासलं मल्याकक मनूतसें उगु ज्याभवलय् ब्वति का:गु ख: । उगु सहलह व घोषणा ज्याभवलय् विश्व सरसफाई अभियन्तापिं राजमान मानव व सुशीला महर्जनपिन्सं स्वनिग:लिसें नेपा:या थीथी जिल्ला सहरय् वय्क:पिन्सं सरसफाई या:गु ईया किपा: ब्वज्या नं या:गु ख: । भाजु राजमान मानवया न्ह्यलुवाय् वंगु २०६७ साल माघ १९ गतेनिसें २३ गतेतक किपू महोत्सव जूगु ख: ।

थ्वहे किपू महोत्सवया भवलय् वय्क:पिन्सं २०६७ भाद्र महिनाय् किपू देय् सरसफाई यायेगु ज्याया श्रीगणेश यानादीगु ख: । थुगु इलय् किपूया १ वडाय् च्वंगु बाघभैरव भजन खल:या छम्ह वृद्ध नागरिक उकथंया सरसफाई ज्यायात च्वन्त्याना: सकारात्मक कथं सुभाय् ब्यूगु ख: राजमान मानवयात । वहे वृद्ध नागरिकया आशिर्वाद राजमान मानव व सुशीला महर्जनपिं थुकथं सरसफाई अभियानय् मदिकक पला: न्ह्याकेत ता:ला:गु ख: धका: ज्याभवलय् जानकारी ब्यूगु ख: ।

ज्याभवलय् थीथी व्यक्तित्वपिन्सं नुग:खँ तयादीगु ख: । उगु ज्याभवलय् नेपा:या ध्वाँय् ज्वना: नेपा: देय्या म्हसीका ब्वया: वयाच्वनादीम्ह लक्ष्मीनारायण शिल्पकार नं थ:गु नुग:खँ तयादीगु ख: ।

साहित्य/चिनाखँ

त्रास

नाति महर्जन

चोचपा, पाँगा

थ्व अमूल्य मानव जीवन भीगु
व्यर्थे भीसं फुकेमज्यू धैगु
सिका भीसं यायेमा इलै लाबले
बांलागु ज्या याना पुण्य कमाय यायेगु ॥
दैवं मनु सृष्टि याना तःगु
धरति चोना नये त्वनेत जक मखु
मनु जन्म जुया प्राणी उपकार याकेत
दैव भीत सृष्टि याना हःगु ॥
तामासी धर्म याना छुं फल दैमखु
सिइके मा परउपकारथें तर्धंगु धर्म मेगु मदु
लिपा हानं मनु जन्म जुइ दइला मदइला
यायेमा थुगु जन्मे उपकार दिन दुःखितेगु ॥
यक्का पत्या: हाक: आया भी मनुतेगु
ईलै लाबले यायेमा धर्म कर्म धैगु
कन्हे खःला कँस खःला थेगान हे मदु
थ्व नश्वर सरिर भीसं तोता वनेगु ॥
भीसं दीन दुःखी रोगतयत खोयके मज्यू
कर्तकिया आत्मा स्थाना नयेमज्यू
कर्तकिया आत्मा खोयकेगु पाप धैगु सिइका
छन्हु सिनावने मानि धैगु लुमंका तेगु ॥
काल धैगु थौं वैला कन्हे वैला धाय फैमखु
बलकि स्वैतं तोता बनि मखु
न्याथेंज्यापिं राजा महाराजा, पहलमान जूसां
बल कि आसे धया स्वैतं पियाच्चनी मखु ॥
जिवं फुवले हे धर्म कर्म यायेगु
छन्हु सिइ मानिगु बुद्धि चाय्का तयगु
नया तोता मोज मस्ति जक याना
निपा तुतिचूपिं पसु धायका जुयगु मखु ॥
बलाबले हे थम्हं फुगु धर्म यायेगु
हानं पुण्य याना गरिब सेवा यायेगु
बुढा बुढी जुइका भीसं छु याये फै
थत हे सुना सहारा ब्यू वैला धैथें जुइगु ॥
थौं जि नं थत थम्हं बुढा जूगु चोना
सुना सहारा बीला धैगु आस यानाचोना
थ: बलाबले गरिबतेगु उपकार याये मफया
थौं थ: द्रुगु जि थम्हं हे चाय्का चोना ॥
छुयाये मचाबले खोया म्हिता नया जुया
ल्यायम्हया बखते ल्वाना ख्याना जुया
लुमना बल आ जि बुढा जुया बलिसे
ब:लाबले कर्तकित दुःख बिया नया जुयागु ॥
ल्यायम्हबले सिइ मानिगु लु हे ममं
थुलि याकनं बुढा जुइथें हे मचों
धर्म कर्म यायगु ला गन गन न्याबलें
थ: मदु धका बुढाते नाप ल्वाना जुइगु ॥
धन संपतिया घमन्द याना जुया

गरिब तेत कुमिचा खना दयमा
गरिया आत्मा ख्वयेकागु पापं पुत
जिगु नुगले आखिरे थौं वया ॥
ईलै ला बले थ: नां काय मसल जिं
दान धर्म छुं याये मफुत जिं
आ: सने मफया सुं सहारा मदुबले तिनि
व अन्तरयामि भगवान लुमन न्हि न्हि ॥
धन सम्पति धैगु जीवन दतले
त:खागु छें, वुं, मोटर म्वाना च्वंतले
सिना वने बले मोटरे वने दै न छें चोन दै
आखिर छन्हु चोना वनेमानी वहे वार्डगु पँयागु खतय ॥
ईलै मलाका तिनि जिगु मिखा चाल
धर्म कर्म यायेमा:गु सिया बल
सतसंगे मलासे कुसंगते लाना
ईलै लातले जि मिखा दसें काँ जुल ॥
छन्हु थ्व संसार तोता वनेमानि धाल
यमदुतं चिना यमराजया न्ह्योने थनि धाल
न किसि लयेका यनी न सल गय्का यनि
अन ला यमदुतं चिना लुतुलुया यनि धाल ॥
दान धर्म या:पिन्त स्वर्गे तइ हँ
मखुगु ज्या याना गरिब खोयकूपिन्त नर्के छोइ हँ
खःला मखुला भीसं यानागु पाप धर्मया लेखाजोखा
ध्रुगुपतया धल: गति चोया तइ हँ
थो खँ न्यना जिगु मन स्थाना बल
२००९ वर्ष ला जि नं सिइ तयल
ल्यायम्हबले धर्म याये फुवले छुं मयानागुलिं
आ: यमराज लुमं लुमं ग्याना न्ह्यो हे मवल ॥
थौं कन्हे न्हिथं थके वनेगु याना
नर्के वने मालि धका ग्याना
दान यायेमा धया चोयाथाय फोगीतेत बीत
चान चुन धेवा न न्हि न्हि जोना बना ॥
थ:थायाय गेगिं थें चोपिं हे मदु
थ:हे फोगिं थें चो इमि सकस्यां मोवाइल दु
इमि त छतक: नितका धेवा गये वीगु
नित ला खलिं धेगा लिकाय हे मछाला नइगु ॥
आ:ला जि थके वनेगु हे तोता बिया
मोवाइल जोना जुइपिं फोगितेत दान न मबिया
सिइधुंका यगु जुइमा वास्ता मयासे
भाना चोनाबले हे स्वर्गे थें चोनेगु बिचा याना संया ॥
मां, बौ, थ: परिवारा सेवा यायेगु
फुगु ज्या याना गृहस्थ धर्म पालन यायगु
सिइ धुंका स्वर्गे वने ख:सां मखेसां
म्वाना चोन बले हे थगु छें स्वर्ग याना तेगु ॥
दये परिवार मिलय जुसा नयेगु
दाजु किजापिनि नाप ईछ्यां मयायगु
न्याबले न्हिला खा ल्याना जुई दतकि
ब त्रति तर्धंगु स्वर्ग मेगु भीत छाया मा:गु ॥
सिइधुंका भीपिं यय:ने जुइमा
छोयका हे छोयमा थों बिचां हे नयेमा
म्वानले सकल प्राणीते नया नै भाव तथा
थ:गु देसय हे स्वर्गे चोने थें चोने दयमा ॥

लिच्च:

थुलिया लागि हे.....



—प्रशान्त महासागर—

जीवन पहाड थें जुल
था: वने हे मफुत
गुबलय् पुलिं साथ मव्युसा
गुबलय् सामर्थ्य साथ मव्यु
गुबलय् बिचां नं साथ मव्युसा,
गुबलय् तो(बहाना) नं साथ मव्यु
छु ई ईच्छांसा, छु ई लोभं
खँयतला
चिंचा धगु जा: हे
छाय् ख: मस्यु...विचा: याना स्वया:
लिच्चलय्
थ: थिति तयस अहम् मखु, गर्व याईगु
ज्या याय्नु धयाँ,
ईष्या याईगु जुया हे च्व:
छंगुजिगुया फय् भूकम्प लिपा नं चलय्
जुया हे च्व:.....
खँ त ख: मनूत ख: धैगु ख:सा थुइ
मा:गु ख:
जिगु चमकं तुयगु ज: दइगु ख:, थुइ
मा:गु ख:
अफशोच
लिक्कलाक्कया फय् त दूषित जुया हे,
जीवनय् अक्सिजन मराना वनाच्च:गु
ख: जीवनय्
था:वनेगु पालुगु था: थाकुगु मखु
निपुं लँ जुया न्हाइगु विचा: दोभान
जुईगु मस्व:पा हे
धर्म, कर्म व जन्म भूताभुवन ज्या
वनाच्च:गु ख:।



कवि राम महर्जन,
नगां, किपू-१६

जि छम्ह गांया नेता हे ख:
नेतां थें हे भाषण याये स: जिं
नेतां थें हे खँ ल्हाय् स: जिं
सकभर सत्य मफुतकी भुइसा सां ॥

जि मा:थाय् मा:कथं
ल:या बहाव स्वया न्या वं थें
गुखे वंसा जिइ उखे वना च्वना
दोपा स्वया बौ तये थें ॥

आतक रामे जिगु राजनीति
सफल हे जुया च्वंगु दु
गांया परम्परागत संस्कारे नं
हिउपा वोगु दु जिगु हे पालय् ॥

सुनानं जिगु राजनीति विफल याये मफु
जि चाहे जूगु कथं जुया छं च्वंगु दु
चित्त बुझे मज्जिं छम्ह निम्ह
त:मागु पिपनाय् छगू निगू कचा
तोल्हुइथें ॥

उकी छु आश्चर्य चायेमा:गु मदु
थत चित्त बुझे मज्जिं छम्ह निम्ह
तोता वनेगु स्वाभाविक हे ख:
दलगत केन्द्रिय नेता, कार्यकर्ताया
विचय् नं ॥

अथे हे जोलागु संस्कार चलय् जु आसा
गां गामय् चले जुलं छु हे पाई:
देया ठुक्टी च्वंगु धेवा ला
यो योथे चलय् नाना फुका छोय् ज्यू ॥

भीगु देय् केन्द्रिय नेताया ल्हातय्
भीगु गां कार्यकर्ताया ल्हातय्
मंदुम्हेसिया मदुथे चलय् जुयाच्वंगु दु
थुलिया लागि हे जनता सहिद जूगु ख:।
जय नेपा: दे ।

छिगू नं चिनाखँ दुसा बिगुदेसँ
जिमिसं पिबःनेगु जुइ । छिगु
थःगु मांभाय्ग निनासँ
ज्वजलपा वा:पातइ ।

तपाईको टोलमा भएका घटना कीर्तिपुरको समाचार बनाउने
हो भने तपाई एक कल फोन गर्नुस् हामी तपाईको टोलको
समाचार कीर्तिपुरको समाचार बनाईदिनेछौं

कीर्तिपुरको
चित्रण



किपुलिं पिदनाच्वंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखं/हाइकू विज्ञापन
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७,
९८०८६२६४२० ई-मेल : kirtipur_sandesh@live.com

अन्धविश्वासय् लिकुनाच्चंगु विज्ञान



(नेवा:तय्सं न्हापांनिसें थथे याये मत्यः अथे याये मत्यः धका: धया वयाच्चंगु दु। थौ वया उक्रियात अन्धविश्वास धायेगु या:। याये मत्यः धयातःभुया थीथी कार णत दु। उगु कारणयात कुला स्वयेगु ज्या यस्त धा:सं अन दुने निान दु। उकिं पन्नारत्न महर्जन अज्व:गु हे अन्धविश्वासय् लिकुनाच्चंगु विज्ञानयात कया सफू हे च्यादीगु दु। सं)

द्यो याथाय् बनेबलय् लाकां त्व:ता वनेमा:

भीगु धार्मिक व परम्परागत मान्यताकथं द्य:धयाम्ह भीसं मानय् यायेमा:म्ह ख:, पुज्याय् मा:म्ह ख:। उकिं द्य:या थाय् वनेत नसला कया: वनेमा: धयागु यानात:गु दु। थ्व मान्यताकथं द्यवं भीत रक्षा याइ, भलो याइ व सुखशान्ति वी धयागु विश्वास यानावयाच्चंगु दु।

द्य: छगू पवित्र शब्द ख:। थ्व नाप छुं नं अपवित्र स्वाइमखु। द्य:पिं च्वनीगु थाय् न्ह्यावले पवित्र व यचुपिचु जुयाच्चनी। थज्या:गु खँ द्य:पिनिनाप स्वापू दुगु धार्मिक ग्रन्थय् न्ह्यथनात:गु दु।

अथे जुया: द्य:पिनिगु प्रतिमा तयात:थाय् नं पवित्र व यचुपिचु यानातइ। थज्या:थाय् वातावरण बांलाइ। प्रदुषण मुक्त जुया: फय् नं

निर्मल जुइ। थज्यागु थाय् उसाँय्या लागि यक्व नी।

लाकां धयागु तुती न्ह्यायेगु वस्तु ख:। थ्व न्ह्याना: न्ह्याथासं न्हुइ। यन न्हुइ, अन न्हुइ धयागु दइ मखु। फोहर आदि नं न्हुइ य:। अथे जुया: लाकामय् फोहर, धू आदिया लिसं फोहरय् दाइपिं कीत नं प्यपुना च्वंगु दयेय:। थज्या:गु लाकां न्ह्याना: पवित्र व यचुपिचु यानात:थाय् द्य:पिन्थाय् वनेबलय् लाकामय् प्यपुनाच्चंगु फोहर, धू व की आदि सरय् जुया: फोहर जुयावी। थथे मज्जीकेया लागि लाकां न्ह्याना: वनेमज्जू धयात:गु ख:।

द्य:याथाय् वनेबलय् काप:लाकां जूसा ज्यू व छयंगु लाकां जक मज्जू धायेगु नं या:। तातापाक वने मालीबलय् छयंगु लाकां न्ह्यानावनीगु

व काप: लाकां छँ दुने जक न्ह्याइगु बाय् यक्व तातापाक व फोहर आदि मन्ह्याइगुलिं थथे धयात:गु ख:। लाकां दयेकीपिं जाति नाप स्वाका: धयात:गु मखु।

तातापाक वनेगु बाय् फोहर आदि न्ह्याथासं न्ह्याव:गु द:सा काप:लाकां न्ह्याना: जक मखु नांगा तुति जूसां वनेमज्जू। नत्र द्य:याथाय् वने न्ह्य: खुसि, तुं, हिति, बंगालय् वना: बाय् ल:थलं जूसां नसला कायेगु कथं ल्हा:तुति सिले मायेका तइगु खइमखु। लाकां सिले मज्जू उकें द्य:याथाय् वनेत लाकां न्ह्याना: वनेमज्जू धयात:गु ख:।

लाकां पिने त्व:ता: वने मा:थें द्य:भागि यायेत तपुली त्व:तेमा: धयागु मान्यता दु।

तपुली त्व:ता: यायेगु सम्मानयात सामाजिक मान्यताकथं उच्च मूल्यांकन यानात:गु दु। सुख, शान्ति बिया: र क्षा याइम्हकथं विश्वास यानात:म्ह द्य:पिन्त थथे यायेगु उच्च हनाववना ख:।



पन्नारत्न महर्जन

लाकां धयागु तुती न्ह्यायेगु वस्तु ख:। थ्व न्ह्याना: न्ह्याथासं न्हुइ। थन न्हुइ, अन न्हुइ धयागु दइ मखु। फोहर आदि नं न्हुइ य:। अथे जुया: लाकामय् फोहर, धू आदिया लिसं फोहरय् दाइपिं कीत नं प्यपुना च्वंगु दयेय:। थज्या:गु लाकां न्ह्याना: पवित्र व यचुपिचु यानात:थाय् द्य:पिन्थाय् वनेबलय् लाकामय् प्यपुनाच्चंगु फोहर, धू व की आदि सरय् जुया: फोहर जुयावी। थथे मज्जीकेया लागि लाकां न्ह्याना: वनेमज्जू धयात:गु ख:।



गथांमुग:यात मिजं मस्तयसं हे लुया यंकीगु नाप दम्ले अच: मिजं मस्त हे सक्रिय जुइगु जुया हे जुइ थुगु नख:यात अयमचा नख: नं धायेगु याना वयाच्चंगु दु। थुगु कथं सामुहिक रुपं गथांमुग: थौ तक नं नेवा:तय्सं हना वयाच्चंगु दु।

छैय् छैय् नं भूत वाइगु चलन

गथांमुग: नख: खुन्हु नेवा:तय्सं थ:थगु छैय् वं थिलेगुनिसें सुचुपिचु याइगु चलन दु। अक्क गुलिसिनं ला अनिवार्य रुपं म्व: ल्हुङ्गा: धका: तक धायेगु याना वयाच्चंगु दु। यलया नेवा:तय्सं ला भन थ:थगु छैय् नं पिने न्हयपं कथि तिया तइगु चलन दु। नेवा:तय्सं थ:थगु छैया लुखाय् नया की अर्थात स्वकिं दुगु की तायेगु तक याइ। उक्रियात प्याकी धाइगु ख:।



सिनाज्या क्वचायेकीगु गथांमुग: नख:

श्रीकृष्ण महर्जन

अथे प्याकिं ताइगु धइगु नं छगू कथं भूत प्रेत दुहां वये मफयेमा: धका: ख:। न्हिनय् त्वा: त्वालय् च्वंगु भूतया प्रतिक गथांमुग: वाये यंके धुंका: बहनी जुइवं ला थ:थगु छैय् नं छ्वालिप्वा:या भूत दयेका हा: भूत धका: च्याका: दुवातय् दुवातय् वाये यंकेमा:गु चलन दु। उगु इलय् भूतया प्रतिक छ्वालिप्वालय् घाँय् न्हाकं, च्वाकं, ब:सिकचा थीथी कथंया घाँय् तथा हासय् द्य:ने तया: पूजा यायेगु याइ। उगु इलय् सौ तयात:गु सलिंचाय् थ:थगु छैय् वईपिं पति, कुसि तक लाना तथा छ्वा: ल्हातं छ्वालिप्वा: च्याका अले मेगु ल्हातं सौ दुगु सलिंचा ज्वना हा: भूत धका: हाहां छैया फुक्क क्वथाय् बयना वाये यंकीगु चलन दु। अले छ्वासय् वना अथे भूतया प्रतिक छ्वालिप्वा: च्याका वाना वये धुंका: निस्ला: कया अर्थात सुद्ध जुया सर सफाई याना जक छैय् दुहां वनेमा:गु चलन दु। उलि जक मखु अथे छैय् दुहां वनेवं तलय्



थाहां वनेत खिचाक्व:चा अर्थात छेलं च्वय् मातनय् थ्यने न्ह्य: च्वना चीसा:भ्या: चिपं थिया: जक कोथाय् दुहां वनेमा:गु चलन दु। उगु कथंया चलन थौकन्हय् तक नं गां गामय् दु। गनं गनं ला गांयापिं फुक्क हे मनुत् भव:लकं छ्वालिप्वा: च्याका: गामं पिने वाये हइगु चलन नं मदुगु मखु। गथांमुग: नख: खुन्हु यक्व: त:धं जुइक नख:या रुपय् हनेगु ज्या मयासां नं नेवा:तय्सं तसकं महत्व बिया वयाच्चंगु खने दु।

गथांमुग: नख: हना च्वंगुया अर्थ

बास्तवय् गथांमुग: नख: हनेगु अले भूत वायेगु धइगु सिनाज्या अर्थात वा पिइगु ज्या क्वचाये धुकूपिन्सं जक याइगु ख:। उकिं सिनाज्या क्वचा:गुया संकेत विइगु कथंया नख: गथांमुग: नख: धायेफइगु अवस्था दु। अले गथांमुग: नख: तकया दुने नं वा पिइगु ज्या क्वमचाल अले गुन्हुपुन्हि खुन्हु तकया

दुने क्वचाल धा:सा गुन्हुपुन्हि खुन्हु हे थ:थगु छैय् नं भूत वाये यंकीगु चलन दु। उकिं नं सिनाज्या क्वचाल धका: हनीगु नख: हे गथांमुग: ख: धका: धायेफइगु अवस्था दु। उलि जक मखु त्वा: त्वालय् दुवातय् थनीगु अले लुया यंकीगु गथांमुग: धइगु त्वा:या फोहरयात भूतया प्रतिक दयेका यंकीगु कथं नालात:गु दु। त्वालय् हे दयाच्चंगु न्हयपं कथिया कलात्मक कथं भूत दयेका वाये यंकीगु ख:। छगू कथं फोहरयात विपर्जन याइगु ख:। अले थ:थगु छैय् नं न्हाकं, च्वाकं नापं थीथी कथंया कं नापं घाँय् तथा च्याका वाये यंकीगु धइगु नं सर सफाई याइगु हे ख:। न्हापा न्हापा जूसा वा पिइगु निंतिं लच्छि तक लगातार रुपं वुँइ वनाच्चनीगु अले थ:गु हे छैय् त्वालय् बुया वयाच्चनीगु थीथी कथंया घाँय्यात भूत नाला वाये यंकीगु ख: धका: नं धाइ। उकिं गथांमुग: नख:यात थाय् थाये पतिकं थ:थगु कथं हना वयाच्चंगु जूसां थ्व नितान्ति वुँज्या नाप स्वापू दुगु

अले फोहर नाप स्वापू दुगु अक्क धाये सर सफाई याइगु नख:या रुपय् कायेमा:गु अवस्था दु। न्हापा न्हापायापिं मनुत्तयसं फोहरयात विपर्जन यायेगु दिं हे क्व:छिना अथे गथांमुग: नख: सलंस:दँ न्ह्य:निसें नेवा:तय्सं हना वयाच्चंगु नख: ख: धका: नाला कायेफु। उलि जक मखु मूल ज्या कथं नालात:गु वा पिइगु ज्या सिनाज्या क्वचाल धका: घोषणा याइगु अले मनोरंजनया निंतिं गुला लाखे पिकायेगु ई वल धका: विइगु संकेत ख: गथांमुग: नख:। उकिं हे जुइमा: गां गामय् आ: तक नं गुगु थासय् वा पिइगु ज्या याइपिं यक्व नेवा:त दु अर्थात वुँज्या याइपिं नेवा:त दुगु थासय् गथांमुग: नख:निसें बहनी बहनी लाखे पिथनेगु तक याइ। अले त्वा: त्वालय् दाफा थायेगुनिसें सांस्कृतिक बाजं थायेगु, प्याखं स्यनेगु लगायतया ज्या याइ। सिन्ध: अर्थात सिंथि नख:निसें दिनाच्चंगु सांस्कृतिक बाजं थायेगु, न्ह्याइपुगु ज्या गथांमुग:निसें सुरु याइगु अले व हे गथांमुग:निसें फुक्क कथंया नख:त भव:लकं वइगु जुया गथांमुग:यात छुमा नख: नं धायेगु याना वयाच्चंगु दु। वुँज्या नाप स्वापू दुगु जक मखु नख: चख:या सुरु जुइगु संकेत कथं नं नाला: वयाच्चंगु गथांमुग: नख:या महत्व थौया इलय् नं नेवा:तय्सं बिया वयाच्चंगु अवस्था खने दु।

रामभोला महर्जनलिसे छम्हा:



वंगु जेठ २५ गतेनिसें यँया चकंदबूलिइ संघीय गठबन्धन रिले अनशन च्वंगु खःसा वंगु शुक्रवा: क्वचाःगु दु । वहे आन्दोलनय् नेपा: राष्ट्रिय पार्टीया पाखें अनशनय् च्वनाच्वंम्ह पार्टीया केन्द्रीय सदस्य किपू नगरपालिका वडा नं. ९ पांगाया स्थानीयवासी नापं नेवा: आन्दोलनया छम्ह कार्यकर्ता कथं न्ह्या: वनादीम्ह रामभोला महर्जनया लिसे जिमि संवाददातां या:गु खँल्हावल्हा थन न्ह्यब्वयाच्वना- संपादक

— श त प त श त
आसा दु । नश्लवाद
छगू पुचः नं पनेवं

संघीय गठबन्धनया आन्दोलन छुक्रिया लागि ?

—थ्व संघीय गठबन्धन आन्दोलन धयागु आदिवासी जनजाति, मधेसी व उत्पिडित वर्गतयगु हक अधिकार प्राप्त यायेगु लागि न्ह्याकाच्वंगु आन्दोलन खः । गुगु थ्व न्हूगु संविधानय् कोपालातःगु दु ।

मनूतसें थ्व आन्दोलनयात मधेसी आन्दोलन धयाच्वंगु दु, धात्यों खःला ?

— मखु, थ्व आन्दोलनय् आदिवासी जनजाति मधेसय् च्वपिं थारुत व मधेसी सकसिनं पश्चिमया खस्तसें नं ब्वति कयाच्वंगु दु । उकिं थ्व आन्दोलन मधेसीतय्गु जक आन्दोलन मखु धका: थुइका: दिइत इनाप यानाच्वना ।

थ्व आन्दोलन छिक्पिनिगु माग पूवनी धका: गुलि आसा दु ?

आ: थ्व आन्दोलन दिइमखु । छाया:सा पुर्वया राई मगत, पश्चिमया खसान, हिमाल पहाड तराई आदिवासी जनजातित दने धुंकल ।

स्वनिगःया भी नेवा:त नं बुलुहुं बुलुहुं दना: वयाच्वंगु दु । नेवा: राज्य पलिस्था यायेत अवश्य दना: वइ धैगु विश्वास दु ।

थ्व संविधानय् छिक्पिनिगु चित्त बुझे मजगु खँत छु छु दु ?

—न्हापालाक थ्व संविधान छुकथं पिहँवल धका: थुइके । देसय् भुखाय् ब्वया: नेपा:मि जनता सिइला म्वाइला धका: ग्यानाच्वंगु अवस्थाय् हथासं कानुन मिचय् याना थ्व संविधान पिका:गु खः ।

अथे जूगुलिं भी आदिवासी जनजातितसें सुरुइ हे थ्व संविधानया मिलय मजगु धार तातय्गु विरोध या:गु खः ।

थ्व रिले अनशन आषाढ ३१ गते क्वचाई, वयां लिपा छुं मेगु ज्याभवः दु ला ?

— खः, थ्व स्वंगूगु चरणया आन्दोलन आषाढ ३१ गते क्वचाई अनं लिपायागु आन्दोलनया ज्याभवः याकनं हे पितविइगु जूगु दु । जिमिगु माग पूमवंतले थ्व आन्दोलन जुया: हे च्वनी ।

थौं कन्हे सरकार हिलेत्यंगु दु । थ्व न्हूगु सकार य् संघीय गठबन्धन सहभागी जुई कि मजुई ?

— थौं कन्हे ओली सरकारया विरुद्ध तःगु अविश्वास प्रस्तावयात संघीय गठबन्धनं समर्थन जक या:गु खः । गुकिं याना: बजारय् छगू कथंया तरंग वल । मनूतसें संघीय गठबन्धन आन्दोलन त्वःता सर कारय् वनी धका: आशंका या:गु खः । थ्व स्वाभाविक नं खः । तर अयसां संघीय गठबन्धनया माग पूमवंतले वनी मखु । आन्दोलन जारी हे जुयाच्वनी ।

थुगु वालय् सामजिक संजाल

फेसबुकय् भाइरल जूगु घटनात



सामिजक संजाल फेसबुक भन भन त्वःकं हवाना वनाच्वंगु दु । समान्य तया छम्ह मनुखं न्हिइ निक्वः तक फेसबुक चायेका स्वयेगु याना वयाच्वंगु दु । सामाजिक संजालय् मनुतयसं थःथःगु विवा: प्वंकेगु जक मखु छम्हेस्यां मेम्हेसित द्रपं विइगु तकं याना वयाच्वंगु दु । अले किपा:यात नं न्हयलाथे च्वयेगु नितिं थीथी कथंया खँ तकं च्वयेगु याना वयाच्वंगु दु । सामाजिक संजालय् तइगु अज्कःगु कथंया गतिविधिं समाजय् अवश्य नं लिच्वः लानाच्वंगु दु । उकिं थुगुसी फेसबुकय् छगू कथं भाइरल जूगु विषययात कया थन न्ह्यब्वयाच्वना ।

केपी शर्मा ओलीया सरकार विरुद्ध नेपाली कांग्रेस, माओवादी केन्द्र व संघीय गठबन्धन मोर्चा संसदय् अविश्वासया प्रस्ताव दर्ता यायेवं केपी ओली व वया कार्यकर्तात इतःमतः कन । अले थःपित्सं हे धेवा खर्च याना: स्वतन्त्र नागरिकया नामय् वंगु शुक्रवा: माइतीघर मण्डलाय् मुना: जि केपी ओली नापं दु (I am with KP Oli) धका: च्वयातःगु टिशर्त पुना: छुं युवा जमात मुना नारावाजी नं यात । नागरिक समाजया नामं या:गु जुलुसय् नेकपा एमालेया कार्यकर्ता व नेतात नापं खनेदत । एमालेया भातु संगठन अखिलया नायः नवीना लामा, युवा संघया नायः राजीव पहारी, पुलांम्ह मन्त्री नापं पुलांम्ह युवा संघया नायः महेश वस्नेत, हिक्मत कार्की नं खनेदत । अथेहे प्रधानमन्त्रीया स्वकीय उपसचिव असार राजवंशीपिं नं खने दुबलय् फेसबुकय् इमिगु फोटो नापं तया: यक्व हे आलोचना जुयाच्वंगु दु ।

अथे हे गुगल ब्वाई धैगु नामं प्रख्यातम्ह आदित्य दाहालयात नेपाल सरकारं छगू करोड धेवा विइगु धका: निर्णय या:गु यात नं फेसबुकय् यक्व हे चर्चा जूगु दु । आदित्य दाहाल प्रतिष्ठानया नामं भवन दयेकेत, गाडी न्यायेत धका: धेवा विइगु निर्णय यायेवं मेमेपिं अपांगतसें नं इमिगु लागि नं प्रतिष्ठान दयेका ग्वाहालि यायेमा:गु खँ न्ह्यथना हःगु दु । अथे हे भुखाचं पिडितपित्सं वासतकं दयेके मफयाच्वंगु वास्ता मया:से छम्ह मचायात छगू करोड धेवा विइगु निर्णय गलत धका: आलोचना जुयाच्वंगु दु ।

छिं आ: १२ दँ लिपा जक स्वये खनी ? उकिं प्याखंया बारे सीकेगु खःसा



सफू दइगु थाय् १) ख्वपया च्याम्हसिंहया स्टेशनरी पस: (श्याम सुन्दरया पस:), २) ख्वप कमल विनायकया स्टेशनरी पस:, ३) किपूया सतःक्वया स्टेशनरी पस:, ४) किपूया देय् पुगूया बाघभैरव स्टेशनरी पस:, ५) किपूया पांगा दोवाटोया किपू बूक प्वाइट, ६) यँया भोताहिनि नातिबज्रया पस:, ७) यँया कुलाभुलिइ च्वंगु मंका: धुकू पस:, ८) यल, यल ध्वाखा अर्जुन स्टेशनरी पस:, ९) स्वापू नितिं मेमेगु फोन नम्बर: ४३३४०९३, ९८४९७२५८३, ९८४६०४६९२३९

किपूया गथु प्याखं (गं मखा:गु प्याखं)

सफू बजारय् पिदने धुंकूगु दु थःगु प्रति सुरक्षित यानादिसँ

सफुतिइ दुने

- १) गथु समुदायया इतिहासनिसें वर्तमान तक
- २) गथु प्याखनय् दुथ्यानाच्वंगु तान्त्रिक व बैदिक दर्शन
- ३) नासः बःयात किसिलिं छाया तइगु खः ?
- ४) किपूया गथु प्याखनय् दुथ्यानाच्वंगु थीथी पक्ष
- ५) गथु प्याखंया थीथी नां
- ६) किपूया ख्वा:पा: प्याखं मध्ये गथु प्याखं नापं मेमेगु

मू

सच्छि, तका जक (१००/-)